



მაღავის დაახლოებით 1000 მცხოვრებმა წმინდა ნათლობა მიიღო



სსკვ-ის კომუნიკაციის სამსახური, 14.04.2024. გასულ კვირას დაახლოებით 1000-მა მცხოვრებმა მიიღო წმინდა ნათლობა მაღავიში, – იტყობინება მოსკოვის საპატრიარქოს აფრიკის საეგზარქოსოს ტელეგრამ-არხი.

11 აპრილს მოსკოვის საპატრიარქოს აფრიკის ეგზარქოსმა, ზარაისკის მიტროპოლიტმა კონსტანტინემ ნათლისღების საიდუმლო აღასრულა სოფ. ნამბაზოს (ფალომბეს რაიონი) წმინდა კირილეს სახ. სამრევლოში, 12 აპრილს – ჩიკვაგას რაიონის ღირსი ანტონის სახ. სამრევლოში, 13 აპრილს – წმინდა სერგი რადონეჟელის სახ. სამრევლოში სოფ. მულანჯაში და წმინდა იოანე წინამორბედის სახ.

სამრევლოში სოფ. მილეში.

მღვდელთმთავარს თანამსახურებდნენ აფრიკის საეგზარქოსოს მისიონერული განყოფილების თავმჯდომარე, მღვდელი გეორგი მაქსიმოვი და მალავის საეგზარქოსოს სამღვდლოება.

იმავე დღეებში, ზარაისკის მიტროპოლიტ კონსტანტინეს ლოცვა-კურთხევით, მღვდელმა გიორგი მაქსიმოვმა და ადგილობრივმა სამღვდლოებამ ნათლობა აღასრულეს ჩირაძულუს რაიონში წმინდა ლუკა მახარებლის, სოფ. მიგოვიში წმინდა ბასილი დიდის და სოფ. მაკანდიში წმინდა მოციქულთა თავთა პეტრესა და პავლეს სამრევლოებში.

ახლადმონათლულებს გადაეცათ სამკერდე ჯვრები, ხატები – სახლში წითელი კუთხის მოსაწყობად, ასევე მართლმადიდებლური კატეხიზმო, რომელიც საგანგებოდ ამ მოგზაურობისთვის მომზადდა ჩიჩევას ენაზე.

ნათლისღებას წინ უძღოდა სულიერი მომზადება რუსეთის მართლმადიდებელი ეკლესიის მალავის სამრევლოებში ადგილობრივი სასულიერო პირებისა და კატეხიზატორების ხელმძღვანელობით.

წყარო: <https://mospat.ru/ge/news/91651/>